

afectados que resultaren descoñecidos, se ignore o seu enderezo, ou ben tramitada a notificación, non puidesen ser citados persoalmente.

Friol, 19 de xuño de 2025.- O Alcalde, José Ángel Santos Sánchez.

R. 1779

GUITIRIZ

Anuncio

BASES XXVI CONCURSO CANTERÍA DE PARGA. Expte. 708/2025

Por acordo da Xunta de Goberno Local do Concello de Guitiriz de data 19/06/2025 aprobáronse as bases do XXVI Certame de Cantería:

«BASES PARA O XXVI CONCURSO DE CANTERIA DE PARGA

PRIMEIRA. OBXECTO DA CONVOCATORIA.

Constitúe o obxecto das presentes bases a regulación do XXVI Certame de Cantería de Parga que se celebrará no marco da Feira da Cantería, Callos e Artesanía o próximo Domingo 20 de xullo de 2025.

A finalidade deste certame e promocionar o oficio de canteiro así como a pedra, que é un dos recursos turísticos máis importantes do noso Concello.

SEGUNDA : PARTICIPANTES .

Poderán participar no certame os maiores de idade .

A participación no concurso está limitada a 15 participantes, as solicitudes serán admitidas por rigoroso orde de inscrición.

TERCEIRA. TEMÁTICA , TÉCNICA E FORMATO.

- A organización terá disposto para tódolos participantes “ CACHOTES “ de granito Silvestre .
- O tema será libre.
- Os participantes terán que vir provistos das ferramentas manuais que eles consideren máis axeitadas para a realizacións das súas obras (macetas, punteiros, ciceis,... Etc).
- Disporán para labrar a pedra dende as **09:00h ata as 14:00 h** do día de celebración da feira, é dicir, do 20 de xullo de 2025, podendo adicarlle o tempo que cada un deles estime oportuno entre esas horas.

Antes de comezar a traballar identificaranse á organización presentando o DNI .

CUARTO. PREMIOS

As contías dos premios serán as seguintes:

- ❖ 1º Premio de 750 €
- ❖ 2º Premio de 500 €
- ❖ 3º Premio 250 €

As obras que resultaran premiadas pasarán a ser propiedade da organización.

A resolución de concesión de premios realizarase mediante Decreto de Alcaldía

Os premios estarán suxeitos á retención do IRPF de acordo coa lexislación vixente.

QUINTO . INSCRICIÓNS.

A inscrición poderase facer por sede electrónica do concello <https://guitiriz.sedelectronica.gal/info.0> ou presencialmente no rexistro do Concello, ou por e-mail : turismo@concellodeguitiriz.com

O prazo de inscrición será do 1 a 15 de xullo de 2025.

SEXTO. XURADO.

O xurado estará composto por un mínimo de tres e un máximo de cinco persoas que designará a organización da mesma.

O xurado a hora de valorar terá en conta os seguintes criterios:

- A innovación e orixinalidade da obra.

- A calidade técnica e a estética da escultura.
- A complexidade da execución da peza.

O xurado poderá declarar deserto un ou varios dos premios, si así o acorda a maioría .

SEPTIMO. PAGO DOS PREMIOS.

Os participantes que resulten gañadores recollerán o día do certame un vale do premio.

Os aboamentos dos premios serán tramitados polo Concello de Guitiriz a través dunha transferencia bancaria.

Para poder realizar a transferencia do premio, os gañadores deberán solicitar antes do 30 de agosto, no rexistro das oficinas do Concello ou a través da sede electrónica (instancia xeral) a seguinte documentación:

- Copia do DNI
- Certificación do número de conta.

SEPTIMO. ACEPTACIÓN DAS BASES.

A participación neste concurso implica o coñecemento e a total aceptación das bases .

A organización completará co seu criterio as omisións que puideran producirse na redacción destas bases, e as dúbidas que ofrecerá a súa interpretación, sendo o seu fallo inapelable.

OITAVA: AUTORIZACIÓN DO DEREITO DE USO DO USO DA IMAXE E DATOS.

En cumprimento ao disposto na Lei Orgánica 3/2018 de protección de datos de carácter persoal, o Concello de Guitiriz informa de que os datos persoais que se solicitan nestas bases serán incorporados a un ficheiro, do que é responsable o Concello de Guitiriz, coa única finalidade de levar a cabo as actuacións administrativas que, de ser o caso, se deriven da súa solicitude ou para realizar comunicacións do seu interese para os efectos informativos. Tódolos participantes polo feito de inscribirse, autorizan ao Concello de Guitiriz a realizar e utilizar as fotografías e vídeos tomados no transcurso do concurso e facer uso de ditas imaxes de xeito respectuoso e responsable nas súas respectivas tarefas de información e difusión. Se o desexa, pode acceder ós datos facilitados, así como solicitar, se é o caso, a rectificación, oposición ou cancelación, nos termos establecidas na lei indicada, comunicándollo a este Concello.»

O que se publica aos efectos oportunos.

Guitiriz, 19 de xuño de 2025.- A alcaldesa, Marisol Morandeira Morandeira.

R. 1780

LUGO

Anuncio

DECRETO

Ilma. Sra. D^a. Tareixa A. Ferreiro Tallón, Tenenta de Alcaldesa Delegada da Área de Cultura, Turismo e Promoción da Lingua.

Instruído o expediente relativo a: **APROBACIÓN DAS BASES REGULADORAS XXV EDICIÓN DO CERTAME DE PINTURA RÁPIDA AO AIRE LIBRE "CIDADE DE LUGO" 2025.**

Vista a proposta do Servizo de Cultura, Turismo e Promoción da Lingua de data 11.06.2025, obrante no expediente, na parte expositiva do cal se fai constar o seguinte:

<< INFORME PROPOSTA DO SERVIZO DE CULTURA, TURISMO E PROMOCIÓN DA LINGUA.

ASUNTO: XXV CERTAME DE PINTURA RÁPIDA AO AIRE LIBRE "CIDADE DE LUGO" 2025.

COMPETENCIA MUNICIPAL

Segundo o establecido no Art. 25 da Lei 7/1985, de 2 de abril, reguladora das Bases de Réxime Local, a promoción da cultura é unha competencia municipal propia. En base a isto, desde a Área de Cultura, Turismo e Promoción da Lingua organízanse diferentes actuacións ao longo do ano para desenvolver unha programación cultural que facilite a participación da cidadanía nestas actividades.

INFORME

O Certame de Pintura Rápida ao Aire Libre "Cidade de Lugo" 2025, que este ano cumpre a súa XXV edición, é un premio de artes plásticas encamiñado á difusión e promoción de obras pictóricas que dan unha visión